



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africanam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. I. De Europae & Italiae statu praesenti.

urn:nbn:de:hbz:466:1-11108



DE STATV
RELIGIONIS
CHRISTIANÆ

PER EVROPAM,

LIBER I.

DE EVROPAE ET ITALIAE
statu presenti.

CAPVT I.



Evropa Asiam, Africam & Orbem Novum non quidem magnitudine, (sunt enim hæ regiones longè ampliores) sed Religione Christiana, Regnorum potentia, incolarum virtute, ac moribus, urbium frequentia, rerum omnium abundantia, cæli solique temperie, multis partibus superat.

A

Inter

Inter Europæ regiones omnium nobilissima est Italia, olim Imperatorum, nunc orbis vniuersi Pontificum sedes.

Olim Romanis paruit vniuersa, nunc in varias dynastias est discerpta. Inter eos, sub quorum ditione nostro est æuo, principem locum obtinet, *Pontifex Romanus*, *Rex Neapolitanus*, *Princeps Pedemontanus*, *Duces Mediolanensis, Etruscus, Mātuanus, Mutinensis, & Parmensis*, *Respublicæ item liberæ, Veneta, Genuensis, & Lucensis.*

Inter omnes Italiæ dynastias potentissimus est *Rex Catholicus*, qui præter Ducatum Mediolanensem, possidet Regnum Neapolitanum, Siciliam insuper ac Sardiniam, insulas regio pariter titulo nobiles ac potentes; magno haud dubiè vniuersæ Italiæ bono, quæ altam illam pacem, qua fruitur tot inter Principum factiones, Regi in primis Catholico debet.

Ceterùm Christi nomen, mox inde ab eiusdem passione Tiberio Cæsari (eo enim regnante Crucis supplicio affectus est) in Italiâ innotuisse, Tertullianus Apologetico aduersus gentes testatur: *Tiberius, inquit, cuius tempore nomen Christianum in seculum introiuit, annunciatum sibi ex Syria Palæstina, quæ illic veritatem ipsius diuinitatis reuelauerat, detulit ad Senatum cum prærogatiua suffragij sui. Senatus quia non in se probauerat, respuit.*

spuit. *Casar in sententia mansit, comminatus periculum accusatoribus Christianorum. Consulite commentarios vestros, illic reperietis primum Neronem in hanc sectam, tum maxime Romæ orientem, Casariano gladio ferocisse. Sed tali dedicatore damnationis nostræ etiam gloriamur. Qui enim scit illum, intelligere potest, non nisi aliquod bonum grande à Nerone damnatum.*

Itaque Tiberius Imp. de Christo, pro Deo ab omnibus habendo, primus ad Senatum retulit: & talis etiam Romæ mox habitus est, vel inuito Senatu.

Porrò ex illo damnatorum Romæ à Nerone numero fuit *Sanctus Petrus, Apostolorum princeps: vt Lactantius, Epiphanius, Hieronymus, & alij narrant.*

